

De Häär dät dem Abraham bei de Eiche vun Mamre erschinge.
Der Abraham soß en der Meddagshetz am Zeltengang.
Hä dät opluere un soch drei Mannslück vör sich stonn.
Hä sprong op un leef inne entgäge,
worf sich op de Boddem und saht:
Minge Häär, wann ich di Wohlgefalle gefunge han,
gangk nit an dingem Knääch vorbei!
Mer weed jet Wasser holle;
dann künt ehr üch de Föß wäsche
un üch ungerm Baum usräste.
Ich well e Stöck Brud holle,
un ehr künt üch stärke un wiggertrecke;
dann dodröm sid ehr jo bei üürem Knääch vorbei gekumme.
Se gove zor Antwood:
Dun wat do gesaat häs!
Der Abraham dät inne ungerm Baum opwaade,
während se am Esse wore.
Se frogten in: Wo is ding Frau, et Sara?
Do em Zelt, saht hä.
Dann sproch der Häär:
En einem Johr kummen ich widder vörbei,
dann weed ding Frau ene Sonn han.
Et Sara dät am Zeltengang luustere.
Der Araham un it woren als ärg ald.
Se woren en de Johre gekumme.
Et Sara hat de Wähßeljohre ald lang hinger sich.
It dät stell en sich erenlaache un daach:
Ich ben doch ad ald un verbruch
un soll dat Glöck vun der Leevde erfahre?
(Et Sara wor ald nüngsig Johr ald.)
Och minge Männ es ad ene aale Kää.
(Der Abraham wor ald hundert Johr ald.)
Do saht der Häär för de Abraham:
Woröm laach dat Sara un säht:
Soll ich in ech noch Pute krige,
ovschüns ich esu ald ben?
Es beim Häär jet unmöglich?
Nöchs Johr öm dieselbe Zigg kummen ich widder vörbei,
dann hät et Sara ene Jung.
Et Sara dät bestrigge, dat et gelaach han sollt.
Et hat nämlich Muffesause.
Der Häär ävver saht: doch do häs gelaach.
Die Männer stundten op
un trocken en Richtung Sodom.

Su wigg die hillige Wööd.